

程

濟北晁先生鷄肋集卷第十

古詩

再用蕪字韻謝毅父送茶

開門覩雉不敢蕪
滯思靈骨須澡雪
煩君初試一槍旗
救我將隳半輪月
不應種木便甘棠
清風自是萬天望
未須乘此蓬萊去
明日論詩齒頰香

贈常州感慈寺長老

大通門人

君不見大通方丈空無物
亦不拈椎并豎拂

本原自性未出喉已向項門遭一吐感慈神
駁渥注流壁上高僧莫遣酬霹靂一聲龍破
柱此中何處有裘休

及第東歸將赴調寄李成季

先輩觀濤滄海口長嘯橫槎拂千牛野人醉
著夢游天九門歷盡驚還復嘈々廣樂猶盈
耳出門依舊重人門不知先輩今何往仙標
玉骨天應賞千里東歸魯景清素麻暗地日
衛城黃金宮闕初回望青草思袍偶自榮歸

來澣濯親甘旨却嘆京塵誤遊子家人飶黍
慍辛勤鄰姬壺滌佐歡喜君不見馮驩一劍
星闌干短歌慷慨不堪彈男兒得意貴韻脫
功名有分勞躋攀折腰止為五斗米得飽約
君尋故山

復用前韻答明畧并呈魯直

廖君憤世談刺口人言寧食葱三斗軒然髡
鼻頤隱肩日々醉市驅驢還我初目病視髣髴
髣望君有異天人間新豐兩行惜不上竹林

風來虛自賞俯頭落筆千人驚一戰取齊餘
兩城田生龍甲賴束葦詭勝尾熱安知榮盈
盈府中誰憐此為君慚愧黃夫子論功欲識
非戰罪試使喑啞走楊喜君不見方朔高才
良獨難割肉要令生自割北軍給食誰致爾
羊裘平昔安能攀偶然捧檄忽擲板烏自知
還雲出山

復用前韻答魯直并呈明畧

黃子人談不容口豈與常人計升斗文章屈

宋中阻艱子欲一身追使還離騷僚慄悲草
木幽音細出芒絲間陽春絕句自雲上折楊
何煩嗑然賞橫經高辨一室驚乍似遠人迷
廣城隔河相和獨喜我枯楫亦有條之滌寥
君不但西南美誰見今人如是子多髯府掾
正可謔蠻語叅君寧素喜君不見古來皆醉
舖糟難沐浴何須仍振彈斷冰無處用蘭拽
芙蓉水未安能攀只無相報青玉案自有平
子愁関山

復用前韻并答魯直明略且道見招
不能往

銅斗承糟醉張口、和漁陽拍銅斗去年拋
却青竹竿女類婢媛呼我還我初不解世中
語淡面那久王侯間未須頭出十人上要
有廖君黃子賞竹林清風前日生豫章冥之雲
擁城二人不來草木長帶缺陸離誰與榮步
行奪馬從此起談笑封侯誰氏子平生不識
笳鼓悲虛讀君詩舍然喜君不見大賢抱遠

與俗難何須酒盤柔指鳴哀彈二人高韻已
寥廓黃鵠之飛那得攀繩橋可度見可喜家
貧馬骨高三山

復用前韻答唐公唐公有一日紙貴
傳都城之句且訟其不知我也并呈
魯直成季明畧

諸公辨北懸河口唾落紛、珠百斗并陘酣
戰我已慳赤幟忽立無由還唐公斷後不容
北腹背未殊秦宛間明光侯印懸天上下有

死夫緣重賞書生懦志安足驚飢死索米長
安城獻君賜帛等優笑覆醬未知傳紙榮洋
宮先生誠國士可是同年子二子雜吟未減
聽匏竹能使窮愁蕪孤喜君不見新聲欲至
舊聲難千指勞君千萬彈平生不遇感知已
過此身外誰能攀他年常侍幸見訪不因豆
落悲南山

復荅唐公并呈魯直成季明略

窮邦無以糊吾口歲々荒山收橡斗商歌白

石不勝寒非為荊州三往還天下無人知我
意得君相合一言間三書丞相何煩上再見
客卿寧用賞願聞閔中季布名何得此聲梁
楚誠論心四子誰許我百金一諾茲為榮唐
公才非今世士不見聖人見君子我今正似
逃虛空聞人楚然已心喜君不見玉川月蝕
詩律難不獨蝦蟇墓遭罵彈憑陵百恠付公等
青天蜀道寧容攀他時鄒堪名亦好常在我
知因峴山

復用前韻呈明畧

茅焦送許磨虎口何似淳于飲一斗終軍乘
傳驚漢闕何似富貴投組還天下同心乘出
處豈徒黃白馬毛間鄒夫紛々煩觖望負日
可堪希國賞竹林居士亦何營江花無限老
江城那知橋上駟馬寵能作山間蕙帳榮興
國寺中四月尾海棠雪落生紅子呼門日午
醉不應昨夜君恩賜聞喜君不見卒然佳會
高歡難幸值野王聊一彈人生歧路易南北

明蕪雲散何由攀知君未試餐玉法我亦欲
返焦城山

家池雨中二首

小池初鑿新得雨一部鼓吹從何來有蟾正
碧亂草色時出汨沒西南隈井榦跳梁百不
少洞庭魚龍何由裁能歌得勝莫入月涼夜
與爾俱忘回

不作太白夢日邊還同樂天賦池上池上今
年有荷葉細雨游魚噏輕浪教兒讀易不應

舉幽人一文吾得尚此池便可當長江欲傍
茅齋來蕩漾

再用韻和陳伯比二首

田里馮生寧屑去湖海陳卿時肯來詩書好
在家四壁蒲柳蕭然城一隈騁上下山益踈
矣儻從容出何樂哉市橋十步即塵土晚雨
蕭々殊未回

築臺危可瞰坳牧朝來小雨猶十上雖無峻
崩有修竹不減山陰同放浪青門正爾堪邵

平雲中何必須魏尚小池更廣勿近墻畏與

濁渠同澆漾

墻西有渠通舟

用寄成季韻呈魯直

懷英名高長史口獨以一人當北斗黃公岷
起與之班奄有斯名唐以還文章破觚賴聖
世筆墨未逃蹊徑間湖州太守諸儒長可獨
進賢無工賞魯語黃公四座驚競吟佳句汶
陽城丁巳年余謁蘇湖州於汶飲茶未勝薄
酒傾君人所辱伊人榮鳳兮德衰衆鳥耻陳

蔡不憂顏氏子窮吟百軸傳求已短髮頗搔
為君喜君不見富貴及時行樂難雖無趙女
有秦彈夢中自古不識路月在雲際勞梯攀
何時半嶺聞清嘯相值蘇門百尺山

復用前韻遣懷呈魯直唐公成季明
畧

涇水為渠食萬口一石論功泥數斗嗟涇獨
不似渭閑安流赴海又西還天下梗枲盡隆
棟何如櫟社不材間無能飽食猶天上巧智

憂勞綠利賞我無懋功突厥石橫身為國作
長城又非石堡將軍勅帶刀奪取紫袍榮世
上此身愚莫比霧縠翻慚漢童子壯心雖欲
疆自挽鳧足元慳續非喜君不見西京對策
濟時難羞死王嬭馬上彈時平烏雀須食爾
鴻羽可用高難攀從今識路窘捷徑求我莫
傍終南山

復用前韻答十五叔父任城相會見
和詩任城有李白舊游處錄於詩中

太華王蓮甘適口我欲求之青壁斗崑崙不
覩大宛何異學射中涂還平生傲世予南
阮臧否未容留齒間七賢遠跡冥鴻上咸也
復幸青雲賞歸來濁酒厭獨傾疲馬却走諸
任城紅蕖白李晚寂寞黃菊獨暴秋陽榮
謫仙酒樓遺舊址明月年飄桂子不見山東
故小吏斗酒雙魚誰共喜慟哭窮涂自古難
不應更待雍門彈瓜田今歲初自墜紫車後
日復誰攀東阿下望有歸意且為子建留魚

山

春
聞文潛舍人出試院約毅父考功尋

上界官府多文書我臞猶比山澤儒閑忙態
異七羊等一月不見霜侵髮雖無京兆白花
漑還有太官青壺玉武安曾孫我外弟聞君
得人助君喜可能餅果饜兒童不有杯盤到
隣里去年南歸飲王家把盞猶見黃梅花城
南尋春成歲事恐不省顧隨泥沙世事何須

還刺口輕薄論交翻覆手自憐只似永州蛇
歸喜蛇存視吾在柳子厚說永州泥為太醫
蛇者曰視吾在而吾蛇尚
存則地
然而卧

次韻崇美述志

仲子甘心織屨避萬鍾淵明不肯折腰為五
斗一年鴻雁識往來終日沐猴何去取甥詩
意慕兩君閑讀書要在存心久平生所談性
命奧長棄不憂金石朽我今頗習鴛子定猶
復晨朝怖頭走剗心先擬謝聲名不作羊鄒
悽峴首雲梯雨矢集無力我已心灰同墨守
恐甥自是禹門鱗未可潛逃入吾藪琢磨晚
覺孟光賢畏我放言時被肘甥能鋤我青門
瓜正午時來他老手

湯村逢陳安性

東裝清曉來江浦瘦馬羸童犯山雨解鞍入
寺聞鐘聲堂上僧齋日初午故人怜我足音
稀紉帽相逢坐東廡別來幾日領生澗相近
驚疑更問語念昨與君俱隨書貧賤不為人

比數侍郎門館之容悅舉子文章慙莽鹵瞽
言疆獻亦何有君去東州我之楚可憐今日
江頭路草々逢君具鷄黍我貧無策未容飽
君祿雖微不猶愈如今未可計得失且作新
詩致醇醑

過熊耳山

殺一不辜神所恫呂母何預於樊崇蜂螳無
王求所止一朝積甲齊熊耳兩峰相向猶耽
耽千載定林餘一龕我來捫石望荆杞此山

閑人亦多矣

送公為之淮南

陶靖節云既耕亦已
種且還讀我書此其

也意

負米萬里緣其親運甓無度憂其身讀書莫
學流奕士挾策勿比亡羊人乃翁辛苦到白
髮今汝疆勉當青春昔時管鮑以君霸此兩
士賈寧非貧

即事呈閑中順之二年兄二首

蠖軒屈首詩書人自喻適志非求伸聞蟬熟

寐白竹簾見客一整烏紗巾語言無味窮鬼
志香火有緣居士身明年得去不汲一種竹
待笋猶須春

吾兩同年俱可人平生一為知己伸何由利
口似虎閭應不拭吐煩龍巾卜隣只約二三
子看山擬分千百身綠鬢哦詩欲成雪朱顏
得酒尚能春

順之將携室行而苦雨用前韻戲之
十旬九雨龍淫荒林蟬砌蟻俱悲涼豐隆不

閑行澤足猶喚脂車煩何香我知此谷非風
伯憑一幕天爾勅敵王即行李望秋晴莫污
北飛雙鳳翼

飲謝公輔家

皇天於春自著意安排未遣東皇家朝雨已
教潤塵土曉風更將寒約花詩篇驅使到老
得酒船拍浮即生涯四年逢春今日好可是
芳物年加

以蒼陵谷引水記呈毅父惠詩次韻

與君暮從棲巖東有泉鋸然發深谷人言祥
符行幸城無水跨野疏泉此山足後來修廢
吳與李誰其記者江休復我欲重銘章聖功
借君巨筆鑿寒玉

春雪監中即事二首

愁雲欲雪紛來族微霰錚鏘先入竹舞空缺
蝶殊未下迸瓦明珠止相逐僕夫無事困新
蘇烏鳥不鳴依空屋肺病惡寒望勸酬桔梗
作湯良可沃

白雲自非爽李族陽春且止聽黃竹江風攻
葦晴天地鷗鳥紛一起追逐請看萬瓦變璠
璣平日塵寰無此屋閑居幽事亦堪論小迳
苗生土增沃

晚春二首

春呼群艷與偕藏殘英風勸作清狂消愁賢
聖酬酢寡破睡槍旗幽興長
春歸風雨一朝盡晝靜園林諸趣嘉蜻蜒出
水群掠納鴨鵝衛巢雙趕雅

示張仲原秀才二首

去年鉅野張狂瀾黃河水不到魚山焦城有
屋仲子築他日能來相往還

城頭急雨昏長川城邊清流鷗鷺閑城西雲
黑電脚踏斜日正在城東山

村居卽事

小麥青：大麥稀蚕娘拾繭盈筐歸放牛薄
暮古堤角三四黃鸝相趁飛

夏夜雨意

凝雲遮漢月不舒微電時照東西隅風條不
動柱礎濕初夜深砌吟螻蛄

蒲萄

蒲萄新條易扶踈椿花瑣碎滿庭除旱乾只
喜雨破土漆潤不憂河決渠

漫成呈文潛五首

無心看春只欲坐偶騎馬傍春街行可憐愁
以草得煖一寸心從何處生
花如怨人不近眼深院一枝春得知東風不

是不愛惜剛為花愁真是誰
十年閉戶不作舞為客一整紅羅裙莫倚琵琶
解寫怨朱簾垂下阿誰聞
平生無歡苦易醉自怪飲樂顏先醜乃知醉
人不是酒真是情多非酒多

不是生情薄飛李廣陵一株名寂高俱飛蛺蝶
莫猜忌端為蜻蜒避伯勞

試院中秋

秋風吹空雁旁午長天無雲月呈露為須通

曉照清樽莫遣中宵生薄霧

直廬聯句

上閣井泉甘若醴蓬山點茶竹陰底采庚伏
恩容午課休宮殿初涼朝雨洗補之身閑出
飲官不嗔日長睡足長精神采永慙便作蠹
魚老拔毛濟世知何人補之

濟北晁先生鷄肋集卷第十四

濟北晁先生鷄肋集第十五

律詩五言

北山道中示公為

吾方賣劍日汝正抱孫歸昭代無官守平生
近釣磯青山上野艇白水到林扉晒寒日猶
烈鳴枝風已威荒陂民事少迂徑客行稀傷
雨蟬知默違霜雁見幾卜居南縣早收課北
莊微行李牧兒識生涯田叟飢蒸嘗了歲事
簞屨息塵機及舍從爭席行衢莫振衣潛逃

多落莫放浪少戲款文字陪吾老功名許汝
非

和閑彥遠雪

春雨翻成雪朝爐未覺炎拂簷驚乍響綴神
喜初沾庭薄寧堪跡空煩詎可晤正怜風共
起終恨雨同漸疎箔光來細重扉氣入巖形
容樗櫟隱意象公蒿添孤潔憐牆仞虛明快
屋簷棲枯偶猜蝶穿隙暫疑蟬詩案閑飄楮
糝帷誤洒奩螢盈仙縷結瑣屑女針銛履上

長千足頭間角里髯手龜良欠藥膚乘更遭
爛池憶秦龍死河懷漢馬潛三章滿嘗吊兩
騎望能占有德群污化無威衆動恬堅凝我
無必皎潔爾何嫌僵卧安非介甘餐武亦庶
妍辭犬子簡拙興客兒鹽搏作隋珠璨岳為
紂箸尖公專貧笑跣汨水夢憂殲斃鶴清宜
繞衣孤窶莫兼且當除諷渴未暇怯樵居戒
婢當避掃呼奴更出現攬來真可數消去豈
宜拈便洗堽灰釜行操割畝鎌它時玄尚白

今歲突應黔漕府君黃綬儒宮我絳檐寒吟
無與律貧病不須砭玉飯流脂滑金羹割尾
織山陰子猷興歸去為誰淹

試院次韻呈兵部業員外端禮并呈
祠部陳員外元輿太學博士黃冕仲

盛德天休盍真人寶虛開太任當政闡元老
位公槐莫盛官人始相從試士來鳴珂咸俊
彥索米獨塵埃未嘆官曹隔多慙賞鑑陪成
川須剛澮崇厦要條秋文武中銓集丹鉛百

卷堆豚魚聊可辨皮弁不應振

左選試經義
右選試兵策

虎出爭亡矢蛇成屢奪杯調鍾永雅濫烈火
試珉瑰絲暗驚庭葉朱明換律仄得泉夸艾
捷聞鶴悼堅摧繭緒談飛塵渾波酒挹罌膚
酬皆絕韻搜索病非才半是仙槎客曾隨禹
浪雷遭時魚奮角失路劍生苔膽氣衝星在
詞源卷漢回聲名改閭里軒冕映輿臺諼草
懷堂北燈花粲婦腮涼風吹枕夢薄雨滯城
隈號奏天官近臚傳御史催康衢驥鳴躍歸

擔僕懽招華省深
局鑰衡門翳草萊
尚懷休假遠別語
重徘徊

吳松道中二首

停身傍河滸四顧
墨荒原日落孤鳴
塚天寒犬吠村繫
帆凌震澤搶雨入
盤門悵望夫差事
吳山闕楚魂

橈路雨蕭蕭江鄉
葉正飄天寒鴈聲
急歲晚客程遙鳥
避征帆却魚驚盪
槳跳孤舟宿河許
霜日繫楓橋

濟川道中寄葉勛秀才

曉路入西郊新霜
著鬢毛貧交借羸
馬慈母授征袍野
靜狐狸出天寒雁
鵠高艱難憶親
舊清淚漬平皋

原上

閉門遺日月原上
感年華夕早無場
藿重陽有野花蕭
幾家靜脈一岐賒
向晚悠然去秋風
馬尾斜

荅劉季孫

高堂擷黃菊獨上憶同登灌木閑相揖寒鴉
偶自朋酒憐旁舍熟賦喜故人能寂寞西風
裏籃輿興可勝

病起答閑景暉

卧病車馬絕初非遺世人逍遙乍形散邂逅
却情真見護屏能力相扶竹亦神閑來省歡
喜漉酒困陶巾

同魯直和普安院壁上蘇公詩

畏暑聊尋李追涼故逸池雨園鳩喚婦風徑

燕將兒散篆縈簾額留雲暗井眉龍蛇動屋
壁知有長公詩

次韻黃奉議序致仕作魯直仲父永作

聞道家書至山中不厭寒近臣多白髮此老
獨黃冠金少從供具身輕莫據鞍勞心為功
業特與世人看

次韻履常見貽

人皆愛陳子新雨向能來但使門多官何嫌
客自埃子旌無遠野城廓有遺才底日常侯

舍傳聲四輩催

次韻鄧正字慎思秋日同文館九首

平生鄧夫子文業晚相依臺閣佳聲在湖湘

爽氣歸

慎思覃人再入館

詩誇東笋密髮嘆耨苗稀

勤苦千秋事川明水孕璣

雄深張子句山水蕪天光黃鵠愁嚴道玄龜

困呂梁愛君豪韻脫嗟我病僮囊驥尾何當

附西風萬里長

屬文潛

蔡侯南國秀經緯耿昭回文史蛙生甌風雲

蟄起隈吾君永助意之子為時來萬縷防秋

費何如一士才

屬天啓

高堂置書几連幕與雲齊暑服猶便葛秋盤

已釘梨官醪聊足醉古錦不成題空對燈花

喜重城隔夜闌

輟直讐書館聯裾校苑場騰驤來萬匹挺拔

出千章直釣何妨得餐風未必香搜才賴公

奇要助我成康

憶卧蓬萊閣同聽午唱鷄星辰望天北簪組

隔城西幾日宣魚鑰長驅響日題更憑催鄧
子要割玉如泥

風雲日夕改秋氣襲堂闈映葉無蛩響依叢
有蝶歸官壺催賜酌隣杵急成衣留滯真何
捕尊鱸興又違

氣入中秋勁更傳午夜長青燈蛾舞急白月
鴈啼涼羈旅生來慣淹留久却忘吟詩醅鄧
子畢昂出東方

前生諸生選平居數路開鄉閭自相與岩穴
亦時來射雉空亡矢為蛇更奪孟千金曾市
骨聊用作龍煤

聞慎思說豪塘居

聞在豪塘飲松林日百回當年鹿何往異世
鶴歸來未許茅齋并終期蠟屐陪丹留杉不
死夜氣看星魁

慎思家臨河濠晉陶淡隱此
藏丹於山今
大十餘抱矣

陪蕪運右司叔父集金山次韻

報國身無用還山計欲成烟霞異塵世江海

慰高情幸繼阮咸集恐慙踈愛声清詩逢絕
景未覺負平生

送趙正夫京東漕

朝持使者節騎出大明宮霜拂蓬壺外春生
海岱東清時憂國事白首問民風我亦何為
者丹鉛點勘中

次韻八弟西園課經二首

永熟秋原靜高蟬尚遠音半荒愁雨菊獨秀
畏風林老覺田原好慵踈里巷尋心知阿蓮

勝新向佛泉深

懶曠期陶謝呼兒讀晉書葛巾傾泛漱蠟屐
上嗽嶠回向空門舊揩磨意地初未堪朝市
隱且欲去衡廬

千秋嶺上

永日倦高躋盤回四望迷松根危抱日嶺路
曲隨溪馬腹飛雲薄山腰過雨低陰崖不可
度誰此構長梯

蒲津繫橋次李茶韻

激泉波濤上為梁木石雄鐵牛驚陝石流馬
出關東潦集連艘斷冰融一水通詢謀自誰
可賢有贊皇公

次韻練定祥符聽法

彌天一滴水何處是曹溪老作声來解還成
瞪蕪迷白雲遮剎遠翠竹向簷低是物元非
物莊周末可齊

自畫山水寄無數題其上

湘吳昔窮覽懷抱自難忘毫素開塵牖江山
入州堂寄君花縣裏虛我竹林傍何物酬斯
贈清詩要一囊

贈別張堯詢

趣操幾前輩詞章近古風身名沉飲外生事
放言中鵠鷺從龜告船車送鬼窮皮離不征
戍高卧有奇功

寄題寶應無數鳧勇堂二首

賓戲今晁子名堂無乃迂何為仍負弩祗合
便飛鳧彭澤且市隱太丘亦世儒解嘲吾亦

勸繫雁一相娛
弟子分潛羨兄老更踈迂君自軒鶴吾今
泛鳧何妨拍腰具能作列倦儒釣是七羊
事清尊稍可娛

憶廬山示無數弟

湖口西江外廬山已目前大虛藏不極彭蠡
漫無邊五老寧行地香爐自供天芝田隔人
世應有讀書倦

秋夜西岡聯句

城南遠人跡虫響最先秋河漢橫疑近補之
星辰爛不收露濃枝上月水風駛苑中籌下
直身田野補之相忘世馬牛市声城郭夜水
遙色草茅茅幽寂寞容還往補之文章得獻酬
天依閭闔轉水斗直未央留清洛東輸海補
之夷門北拱州寒燈知苦織水濁酒識窮愁
飽食容高議補之蒼顏媿薄游黑貂寒事早
未青史素心道附驥容吾鉞黃金試絡頭補
之

凝補池上聯句

粉垣周十里補之丹碧煥神宮
禾樓閣晚多雨梧桐天早風
補之人來夕照外禾鳥起白
蘋中補之何用厭城郭滄州
佳興同禾

濟北晁先生鷄肋集卷第十五

濟北晁先生鷄肋集卷第十六

律詩七言

廷賢永賦先春亭

築圃名亭盡可人東臯百丹故先春
丘原滿目皆安哉桃李成溪又一新
雜草煩君開蔣徑潑醪容我着陶中
青門瓜好平生事欲遣朱轡便卜鄰

送會稽閔彥遠罷官河上

君年長我二十五偶以氣同均
弟昂三歲吹



沙禹河曲一身飛艇越雲門未緣狗監知才
思端向午衣無涕痕秋月圓時應待我慧林
孤磬澹朝暉

己酉六月赴上饒之謫醇臣以詩送
行次韻留別

小雅恩深志不悲反騷未與昔人違五車謾
苦君何益三徑都荒我未歸要過香爐霞履
步却從彭蠡一帆飛它年笑向張公子應帶
煙霞滿客衣

對雪和王仲至

鸞鳳交橫逐雨華玉城銀澗共縈斜且看霧
散千峯瘴未覺雷驚萬谷芽碧落高情元物
外金閨清夢自天涯寧知夜半寒歌客煙斷
鄰牆四五家

春雨呈文潛

倦將烏帽障黃日一雨洗開春已融忽驚宮
瓦出新碧更喜海棠舒小紅愛酒鄰張不可
柰聽歌老謝無由同春如行客祇欲去若為

挽取須壺空

魚溝懷家

生涯身事任東西
藥笥書囊偶自賚
柳嫩桑柔雅欲乳
雪消冰動麥初齊
沙頭晚日穉竿直
淮上春風鴈鷺低
歸去未應芳物老
桃花如錦遍松溪

次韻金鄉宰韓宗恕寺丞見贈三首

乘濤無意犯星躔
好在琴尊且樂全
彭澤孤吟成小隱
蘇門雙嘯劇登仙
平時主父言多

因晚節揚雄學始傳
鮑叔可能知管子
勞君相許寄忘年

蜀客高詞詫割鮮
直吞雲夢氣仍全
自憐軍

閑窮為賦不向元和共得仙

未仁士若便漢延重用賦子虛應

恨不同耳故以是答嘉論一朝傾蓋合新詩
半夜叩闕傳西窓却話巴山事
他日相逢憶此年

公子翩翾出世賢
少時術業已成全
閑中道義輕三事
醉裏文章敵八仙
客舍寒爐聊可擁
縣樓昏鼓不須傳
河陽花蔟期相過
即是

新年換故年

出都城十五叔父

凌兢瘦馬不堪驅
塞眼紅塵暗九衢
太學齋鹽聊樂只
故園桃李且歸歟
上書北闕三年
困種豆南山一半
蕪忍志動心天相
我莫慙
閑吏辱陳餘

贈歐陽成判官

一言子產識然明
白首憐君獨袍經
去馬來午隨白日落
花飛絮得浮名
曳裾五府非良

計
羨憤三書亦漫成
便作歸休豈無食
木欄
垂露菊含英

次韻蘇注承議天鉢元長老像前
拈香

蕭然方丈病儀成
簞笠忘年一境清
應作是觀寧有相
實無得度即非情
日當居士行時
子月在生公講處
明能識微言
只夫子可憐
惟我最

次韻王正甫馬陵感事

風雨關河浩蕩愁，騷人慘慄對清秋。追君舊
事何堪聽，投我新詩不易酬。紙上安知百年
後，酒中聊可一生浮。言歸款段誰能約，正有
踈頑馬少游。

送長道客滑道士

海山兜率事悠悠，底處仍須着力修。莫認箭
邊曾有鹿，安知簞外是無牛。杜樗共作支離
病，園絮同為汗漫游。亦見顏公為言此，春風
過盡不擡頭。

別關景暉二首

鄴王臺上幾追陪，臺上搗鳴古甃摧。每對燈
前青玉笛，不辭花下白銀杯。

皆彥遠家物

九重幽

夢驪駒近百卉，佳時鷓鴣催更約。歡呼須繼
日，從教河漢卷星迴。

筆陳雲橫未易陪，鴈門端見壓城摧。櫟中麋
出君搏飯，地上蛇成我奪杯。好在田園心事
懶，罷休簪組髮毛催。稽山為有知章否，欲泛
舟扁定却迴。

送曹子方福建轉運判官二首

談經草檄鬢華生
初擁閩山傳節行
江入桐廬青欲斷
溪從劔浦碧未迎
茶雖戶種祖宜薄
鹽不家煎價欲平
要使祈招歌德意
君恩不為遠人輕

侏儒未用笑先生
益博聊堪攬轡行
學有人民可嘗試
詩須山水與逢迎
邊夷豈學朝廷治
耕釣惟知吏政平
臺閣時清多俊彥
蕭生雅意未宜輕

飲校理盛君中家次韻二首

騎鸞玉府畫仙真
短羽愁攀天漢濱
詩懶使應惟老手
斂豪獨永後諸賓
宮壺銀箭剛知夜
籠燭金華已報春
倒載微吟笑兒稚
時清寧是習池人

一倒南齋玉宇醇
絕勝不醉楚江濱
驪駒且莫催歸御
雌鴝何好屬坐賓
我向少年新白髮
君須痛飲敵青春
未愁驅使無詩句
怕遣壺空花笑人

次韻校理盛居中上元

四見都城燈火春
看驅肥馬走朱輪
天傳九奏虛郡籟
海踴三山跨萬鱗
追賞謾遊深禁
直拜迎祇望屬車塵
預知短髮非歡事
只有觥船未愧人

次韻蘇中丞喜文潛病間

携筇過子約朝
况是門無百步遙
午卧簷曦茶可煮
夜談窓霰粟堪燒
范魚何用驚生
釜鄭鹿應知夢覆
蕉試作文殊間
居士從今一飯久
如消

鎖試呈同舍三首

官局悠共此行來
時庭菊未含英
五更脫葉驚書几
一夜寒砧滿禁城
詩似涼風來
有思酒如清露浥
無声何時驄馬催
歸去更有林端魄
一生

天街初月映天河
拜勅東華走鳥過
解榻暫如龜
遇水閉簾還似雉
嬰羅倦依書冊工
催睡悶倚詩篇足
當歌可待紛厭朱墨
晝閑

唯有飲無何

周行擲比未應充薦廟方應古鼎鍾經眼乍
愁千紙積解顯聊喜一言逢黃花庭檻時雖
過白酒鄰槽願可從更促寄衣真似旅曉堂
初怯露寒儂

試院呈文潛用前韻

神交千古聖賢中尚想銅山應洛鐘傾蓋十
年唯子舊知音一世更誰逢天如蟻磨駸
且談似綠車登從鄰榻鄧侯邨不共擁衾

白首興方濃

慎思聞家弟無數捷解見貽用前韻

吾弟平生辛苦同匹雛志舉百鈞鐘自慙操
瑟尚不片勸使力田終有逢青眼故人欣捷
報白頭老母喜占從書林儻預西城集醕子
酣：杏正濃

復用前韻寄題慎思豪塘居

玉泉飛落白霞峯散入山田畝十鐘鄧子結
廬真世外陶公晚屐更誰逢鶯啼春竹風煙

近龍起秋堂雨電從誰使小人空蕙悵蓬萊
金殿興方濃

呈曹子方

曹子金門等陸沉壯年裘馬四方心檄傳白
羽從沙并詩寫紅巾遍武林甲冑中無敵
國絲桐世外有知音相逢不飲何為者祇作
寒聽擁鼻吟

泗州王諫議明叟留飲

雲水東遊蚤歲懷半生塵土却教回兩行堤
柳關心在一點淮山入眼來比省主人誇酒
好南風雅此喜帆開揚州底事牽行色端為
瓊花芍藥催

招緡雲寺開彥遠教授曾彥和集平

山堂次閑韻

蜀崗勢與蜀山通龍虎盤挈上縈空小語還
憂驚太一高堂元自在哭巾少師楊柳無遺
跡承旨歌謠有舊風叙日蕪城易興感忘懷
猶喜故人同

陪閔彥遠曾彥和集龍興寺詠隋時
雙鴨脚次閔韻

風起雷塘陵上塵雨荒苔院兩株椿樓臺有
跡皆餘燼草木無知尚見珎博士獨能名玉
棊使君還許壽靈椿宣城此物常克貢誰與
連艘送萬困

閔醇老作默齋

淨名良久文殊歎此是如來不二門要識結
瘖非是默應知分別亦無言一絃曾得秘生
愧三復能令孔子尊正復立談封萬戶時清
何害口瀾翻

與曇秀師別岳二十年而後相會於
金山作

詩筆多生習氣牽老來經唄亦隨緣何妨偶
入東坡夢未害閑依北固禪萬里波濤憑檻
語一山風雨並窓眠朱甘白首塵埃地更約
相逢二十年

送曇秀師歸廬山夢齋

扁舟又過楚江東
廬阜霜晴翠掃空
四海五湖皆逆旅
千巖萬壑正秋風
會觀沙界無華處
何必茅齋是夢中
已悟三生舊知識
不因天竺寺相逢

戊子六月十三日曝書得史院賜筆

感懷時監修丞相儀公也

君王孝悌纂修意
丞相忠良典領宜
却恨身為周柱史
不令人識漢官儀
常年請郡新進笑
今日曝書陳迹迷
猶有院中宣賜筆
不妨

林下醉題詩

濟北晁先生鷄肋集卷第十六

濟北晁先生鷄肋集卷第十七

律詩七言

和二叔父以監入館見賜詩

梗枘要是晚方成
雄朔遺風世共驚
屑去未驚容必去
逃名還自得高名
敬行元白辭濤壯
書畫鐘王筆勢精
乘馬輜車何足算
不將稽古愧相榮

次韻四叔父寄賀二叔父以監入館

并見寄詩

琅邪太守魯儒英典仗還高劉更生已似諸
荀並才子復時群竇占詩名尚吟河水憐孤
姪應與鄉人痛伯兄老鶴長鳴近天漢可容
叢灌和驪庚

送歐城蒞

春風共載揚州路屈指都疑夢夜闌可是重
來俱白髮只堪歸去却黃冠為郎我賴文書
少作邑君逢政令寬自古江山勝塵土莫輕
故步愛邯鄲

守蒲次新安西先寄府教授之道弟
文章之子日翹：恐不能如豈有超助我彤
梧問民俗煩君泮水採風謠預知薄宦妨同
處且可清樽約屢招十月驅車漢函谷冷雲
高處望中條新安漢所徙函谷也

再用前韻答之道弟府教授

文辭便是升堂賈談辯寧非入幕超已謂囊
中能出韻那知車下正裏謠但從袁盎無何
飲莫笑馮公不見招伴我河山訪陳迹明年

紅紫滿陽條

澠池道中寄福昌令張景良通直

十年一夢間湖相欲往從之道阻長可但知
君愛彭澤不應言我薄淮陽馬穿峭度流泉
白鳥下閑頭照落黃愁作驛亭寒不寐懷人
思古九回腸

次韻毅父提刑將至溝見寄

騎報山雲見旗脚吏趨原雲沒靴翁竭來定
坐玄猶白捷去還憂易又東他日江湖空白
首只今閑隴有清風登瀛契分南遷夢十五
年來事同

次韻毅父戶部兄游西巖寺

恐是初禪第一天千秋龍象鎮危巔坐看玉
井蓮飄葉絕勝香爐日照煙點：蟻封知晉
甸紛：鴈背向秦川要洵浩蕩奇言稱付與
南華舊老仙

廬山

丹碧沉：虎豹閑松幢引度九重閑人間未

覺渾無路天上還驚更有山
瑤草紅泉供挹酌金風白露送躋攀
良游自歎平生誤使作歸來鬢已班

叙舊感懷呈提刑毅父并再和六首

兒童豪氣自堪驚未入鄉人月旦評
叔向亦聞呼使工子將一見便知名
平生蘭省追高步老去秦川共此行
賴有蒲城桑落酒高樓條華慰人情

補之初舉進士毅父為考官即首送

賦成庾子尚魂驚往事如風未暇評
長樂鐘

前偶相對凌烟圖上葺浮名登車豈是君
無意幙被何妨我自行更許心親遺
兒敬老來尤見舊交情

三人射策幾人驚要與三疎共入評
先聖子孫多異稟畧朝圖謀有高名
書博科斗猶湏足安國釣拂珊瑚未可行
巢父子墨文章豪氣在登臨懷古一含情

湏彌納芥事堪驚千歲聊堪一日評
世上相逢俱夢寐古來何處是功名
薄書聽我依稀

了雲水陪君浩蕩行便與此山同不朽不應
惆悵復牽情

卽潛如我未宜驚戶部須推宰相評

曹丞相
去戶部

不可無他日碧山思却走當年紫府已收名

共知白髮生青髮未廢長歌續短行樽酒不
空多坐客君家餘事足陶情

親見楊雄自不驚吾人要使後人評白圭未
可輕三復小草須防得二名太華聳天如劍
立黃河蹙野似軍行棲遲日憶衡門後可是

登樓不稱情

用評字韻和答府教授十二弟

君詩飄舉似鴻驚書入揚州子弟評聖世由
來升俊造少年已自得聲名六經正可三冬
足萬里聊憊一日行更約彌敦同姓樂能來
觸詠暢幽情

次韻邠倅王正夫

幽谷鷄鳴滿面塵夫君泛愛尚為親清時有
味俱吾黨黃髮相看更幾人物理未驚翁喪

馬世情應笑子知津似聞絕塞風沙苦只約
航船莫負春

獲軒孤坐寄曹南教授八弟

畏暑經旬不涉街獲軒孤坐壁生苔出簷碧
筍猶爭長映戶丹榴故後開馭蝶風前愁夜
去一蟬雨外送秋來曹南瘦弟應相憶白首
遷兄未秋回

次韻袁疇耕道見貽

閱世紛：共旅亭歸來眼為里人明老夫未

歎嘗三已吾子何憂取一名仁義夙心成自
誤文章小道得高評曲池遠市偏宜暑携卷
同來看月生

寄懷八弟二首

君好作官容我隱我專築室待君歸古來奇
特俱安用老去跡慵自不違五府交書何怪
密獲林白社未嫌稀光君門戶之子葵藿
吾今遜益肥

平日鷓原左右手蹙

居衛反

前後未須論清

秋淮工多詩白
首籬邊近酒樽
松舅高情篤兄弟
先君至性厚
閨門西公與爾同
師法相待歸來老
此言

揚州金盛吾能說
鴨脚瓊花五百年
忽見山光好
詩軸却思淮浦舊
源船紫荆故俗真
虛老松菊幽齋已
重遷便作扶藜望
衡霍清秋隨分有
風煙

感興

淵明褊志送歸去
叔夜支辭謬養生
道有窮通千世運
命無夭壽四時行
我能為蝶斯同化
子亦知魚乃至情
謂馬謂牛無不可
楚肝越膽太分明

次韻留守王公喜春

午忽爐火不應殘
春許花期特地寬
塞鴈初驚池溲暖
谷應猶怯井梧寒
未須園裏幽尋去
且更樓前遠望着
四牡行春定何日
亦聞鐘鼓滿城歡

游華嶽歸道中望仙掌

深巖踏遍尋歸路仙掌依然在碧虛無限游
人重駐馬豈惟狂客倒騎馱掛圖天漢朝霞
上落影秦關夕照餘千古全生總一士可憐
登覽盡丘虛

希夷祠堂
在現中

潼關道中

塵土長安古道深潼關休舊接森林使君駄
馬來何後道士青牛去莫尋春半河山猶寂
寞日長坑坂正崎嶇平生冷笑元龍誤老覺
求田負寸心

自蒲赴湖早行作

小隱幽情薄宦身五更騎馬壽安塵春如流
水行隨客晚與青山氣逼人報國丹心千載
事對花霜鬢一番新秦吳絕域從來恨我已
能知莫問津

罷蒲乾濠道中寄府教授之道弟

衝寒到郡待花開花未開時却遣回散意三
年容我隱只如千里訪君來二嶠轂擊何為
者五老雲霾安在哉更約剡詩猿虎谷它年

重過掃菴苔

次韻文潛尉福昌時壁間新暑亭詩

亭在水竹中

梅福當年守此官，荆山誰見韞琅玕。人如修竹三冬好，詩與清溪九夏寒。未信簪裳妨小隱，蚤時雷雨起深蟠。春風攬轡河陽縣，痛飲任歌憶舊歡。

赴蒲道中寄洛倅王定國

時定國董役水安

莫嫌馬上過春風，得句桃溪柳澗中。玉事勤君急星火，客程驅我正萍蓬。竭來尚可輕千里，歸去何妨共雨翁。學道如今有微力，作官求了不求功。

再寄定國

河南少隱古，曜僊銷盡新緣。窘舊緣草字，更無千載聖談言。自有一家天遠游，輕世唯何甚。必貶永吞否，不然選壯坐狂俱。齟齬社樗元自可，忘年

谷閱中順之

黃卷脩然遇古人千秋遺恨一朝伸
文乾文舉尊中酒虛負淵明頭
上巾纓冠未暇念同室閉眼自欲觀
吾身卒有元和文似錦不妨勻雪和陽春

濟北晁先生鷄肋集卷第十七

濟北晁先生鷄肋集卷第十八

律詩七言

自蒲赴湖至板橋逢社謀伯

三年兩度踏京塵猶喜常逢杜子春
文學老來從舊日金蘭同好更何人
身慙隨檄終難疆計欲歸耕未敢陳
正是莢花紅似血不應無酒但霑巾

和右明叔喜雪

解凍南風故未薰六英先歲舞車塵
盡消日

觀千巖雪初破江梅一萼春立召金閨通籍
客更呼花艷大堤人使君日飲無功業同樂
何妨亦為民

次韻韓求仁南臺朝請晚過南湖見
未詳寄

浮花浪蘂信東西何許尋芳去自遲流景不
須驚石火寸田應已長瓊枝想君清興聊堪
發遣我憂心久欲夷便作崔丞日臨水鳧行
適尾不須知

再用前韻和荅

當時同赴飲城西傾蓋論心已恨遲湖海可
無年少氣雪霜還有歲寒枝功傳汗竹藏王
府詩入文弢動島夷不會書生安用此眼前
睫固未會知

用前韻荅李行正教授

見我淮南被召西重來學館尚棲遲未容小
隱通三徑聊可卑飛共一枝飲罷玉山方爰
兀賦成筆陳已滌夷霜荷葉歎青衫舊聞子

修身自畏知

次韻和永仁不赴照碧堂會呈無愧
之作

政成歡誦沸田萊留鑰雍容更上才
繚郭乎湖從昔好倚天朱檻為誰開
曳裾况是他年舊倒載何盡日陪自有
登高能賦客可容

清坐詠南臺

南臺靜坐一炉香見傳燈

求仁復示怨句次韻

聞說高情久沉寥繫維誰與永今朝
五車猶

累方書好萬物先從辯說彫已向季
咸心獨醉更緣順子意都消清秋壁
月涼如水莫遣纖雲翳紫霄

元符戊寅與元斲弟卜居緡城東述

情

四海一居何處下北窓祇取見家山
要無名利來心曲便有園林出世間
拙官莫興三黜歎老歸未厭百年閑
先君餘慶期之子吾駕如今不可還

次韻信守李矩二首

誰榜鈴齋作面山
晦明終日卷簾有賦成
夜燭總銷寸衙退
朝曦未半竿
枉渚孤吟愁旅鴈
以况簿官蘇門復嘯駭朱鸞
以况公贈酬平生五袴何須詠一借黃鍾變谷寒

愛山何必羨歸山
簿領忙時揆置看
閭闔自應行
葵輶珊瑚終未拂
岳竿樽中屢許陪
文舉廡下猶堪寄
伯鸞便作巧成同
范蠡白鷗盟誓不教寒

再和嘉父見貽

使君心賞在高山
櫟社寧煩匠石看
能似鼠多愁度谷
仕如鮎鉞笑緣竿
見歸田錄威儀披霧窺文豹
音韻當衢聽玉鸞
曾共廣陵花下醉
綈袍應歎一何寒

次韻嘉父喜雪

六出先春兆物華
故撩高韻發車斜
散榆天上齊飛莢
布玉畦中盡吐芽
梁苑俊遊風不極
剡溪清泛月無涯
雄豪樂事幽又詠
都屬

江南太守家

次韻信倅練定夢雪中過王侍郎

夢覓毗邪看雨花玉城銀澗過縈斜乍凝露

廓千峯瘴未覺雷鳴萬谷芽碧落清談元物

外上貳

金閨高興共天涯

上貳

寒鷄喚起新

詩就誰憶袁安正卧家

次韻李鉅靈山亭宴集寵戲之句

勝游誰繼竹林賢峴首高情日邈然寶刹千

尋出天半靈山三向落樽前梅花摘得寧煩

驛桃葉呼來不用船南楚何

說窮卷且陪

鈴閣聽鷓鴣

絃古詩飛葉復飛

次韻李鉅梅花

寒巖幽霧不曾開殘雪猶封宿草萎一萼故

應先臆破百花渾未覺春來慙非上苑青房

比誤作唐昌碎月猜常恨清溪照踈影橫斜

還許落金盃

次韻李鉅祥符軒

雲端紅粉拊雕欄謙守綸中語笑間游客乍

驚人外境居僧初識面前山暫來猶足留公
賞借與真堪着我頑鈴閣多餘賓從少誰教
平鉗益不曾閑補之自謂

次韻李鉅重修宴亭

壁間雙記快沉冥山畔譙門水畔亭相國名
因稽古白便君眼為好賢青廢堤不復風搖
柳新檻依然月滿汀羈旅從公厭游樂欲圖
佳致作幽屏

次韻李鉅新庵

無心何用說心灰庵在青蘿綠篠隈自可說
閒公事了不妨閑處道書開更携邀月清樽
上只著登山小屐來桃李他年應勿剪使君
嘉譽在閨臺

次韻李鉅新移牡丹二首

史君着意與深梧為向吳官好處來得地且
從三月暖明年應更十分閑漆傍芍藥羞香
骨江裏芙蓉妬艷腮雲雨鴻龍總非比沉香
亭北漫相猜

笑倚東風幾百般忽疑洛渚在江干玉容可
得朝：好金盞洵教一：乾送日漢臯行已
失斷魂巫峽夢將殘七閩溪畔防偷本四照
亭邊更着欄

次韻李秬約賞牡丹

天紅濃綠總教回更待清明穀雨催一朵故
應偏晚出百花渾似不曾開常誇西洛青屏
簇久說南滁紫線堆任是無情還有意不知
千里為誰來

次韻李秬雙頭牡丹

寒食春光欲盡頭誰拋雨：路傍隄二喬新
穫吳宮怯雙隗初臨晉帳羞月窟故應相伴
語風前各是一般愁使君復有詩千首為爾
情如篆印繆

次韻李秬賞花

天香國色競新奇初過清明未覺稀困舞尚
迎風嬾：醉雅猶弄日暉：飄零洛下千金
價慙愧江南百州菲謝守多才寂憐爾百篇

能伴羽觴飛

次韻李巨醅醅

天紅瑣碎競春嬌
後出何妨便奪標
雲鶴喜晴來
萬隻玉龍驚震工
千條蓂莢收
晃蕩風前
杖筇綠飄翩
月下綃
魯甸瓊林亭
畔見天涯
相遇一魂消

立春日呈通守資中通直

徭軒柳態未應還
正在憑高望遠間
一夜春風吹北渚
清晨佳氣滿南山
動頭樂事從今
數信乎詩章
莫放閑
但惜濉陽
蔡公子
鶯花
爛漫向京闈

題文潛詩冊後

君詩容易不著意
忽似春風開百花
上苑離宮曾絕艷
野牆荒徑故幽葩
愜心芻豢非雜俎
岳世江河自一家
頭白昏醉眠處憶
君頻夜夢天涯

次韻杜天達見寄

冷屋寒舟西處懷
一封歸信隔年開
愁容損

與河水泮佳思先隨岸柳來射雉便甘忘我
天畫蛇何怪奪君枉端知雪裡清吟好未減
山陰興盡回

景修二十歲褒為鄉舉之首晚乃尉
青由無不遇色其里人晁補之為賦
五十六字以別且勉之

一尉三千五百里昔人嘗已歎沉英陸機文
賦成童妙梅福官資向老清盡說江山多勝
事且臨風月慰高情它年見我長安道貨藥

無心更避名

赴元老劉園之集呈十二朝請十五
推官二叔父蕪呈元老邦式諸公

故鄉等作異鄉愁常笑吾生不自謀百日狂
風春草：十年歸夢客悠：倦游情話陪諸
父老罷親鋤學故侯得坎乘流兩皆可名亭
應不用三休

次韻崇美甥盡眠

炎敲暫卧北窗涼更覺甘如飴稻梁峯我冀

牆說敢避孝先經筭謔蕪忘憂虞心謙知更
鴈安穩身如掛角羊要識熙：不爭競華胥
別是一仙鄉

和王定國見寄

請說當年王武子淮南別乘謫仙人自從金
馬還通籍直恐瓊花便不春遺愛誰方府中
安舊時獨掃壁間塵平山送目思公子自許
時成覺有神

和歐陽宣德經野步時八汴流

朔風何敢祝淮神青律飛灰氣自醇顧我衰
容唯殫酒因君佳句始知春山中桂子年：

好觀裏飛英日：新延對彤廷湏努力時殿

力就居生學問及昌辰陽君

濟北晁先生鷄肋集卷第十八

濟北晁先生鷄肋集卷第十九

絕句

五言六言

國子監暮歸

杖屨清晨往
縑囊薄暮歸
閑官廳事冷
蝴蝶上堦飛

答李令

知音慙李令
問我復何為
為道義惟添
睡功名只有
詩

身世謾悠哉

身世謾悠哉
田園首重回
春來亦何事
忽歎庭槐

禱雨宿九曲池上三首

微月澹蕪城
飛螢縱復橫
蛙魚涼亦樂
跳潑觸荷聲

荒城孤絕處
猶指玉鉤亭
涼月偏宜上
江南山更青

同輦笙歌地
荒池風露天
無心更懷古
涼夜正甘眠

譙國嘲提壺

何處提壺鳥
荒園自叫春
夕陽春榭裏
持此勸何人

書周開祖子抱一葬願文後

欲愛生諸穢
俱盛一草囊
應從持犯入
當葬紫金光

和荅魯復一高士

四觀以為鄰
朝霞以為竈
贈我不知名
千巖下章

讀易

學不到志言崇朝守常編使我能解化此物
為蛇蟬

題宗室大年畫扇四首

柳動葵初來波生鴈將去惟有小崧高蒼
自如故

鷓之仍鵠之尔名今是非人言不踰濟何事
滿苔磯

西風入叢竹慘澹帶秋雲驚起中泚鴈衡陽
萬里心

王孫蘊奇意純素澹雲煙借與王摩詰含毫
思邈然

閻子常永琴絃

先生三尺琴斷絕絃上音欲永鳳喙膠弱水
毛猶沉

濱州道中四首六言

身隨符檄塞壘家與琴書鄴都白酒清談憶
汝黃花佳節愁予

月隋孤村露合日出高原霧開道逐故河西
去人將新鴈南來
三徑蔣生里第再見虞君客鄉多病曾子歸
思少年許子高名
林下囊裝夙興人間鴻鴈悲鳴行役正嗟予
弟言旋當復諸兄

館宿

殘雪封條未乾蘭臺襪被春寒日
房櫳吏
散鳴鳩飛下欄干

季夏即事

紅葵有雨長穗青棗無風壓枝濕礎人露汗
際蒸蟬烈號時

濟北晁先生鷄肋集卷第二十

絕句七言

新城塔山對雨二首

山外圓天一鏡開
山頭雲起似浮埃
松吟竹舞水紋亂
坐見溪南風雨來

竹枝州履步蒼苔
山上孤亭四牖開
煙雨濛濛溪又急
小蓬時轉灘來

同柳戒之夜過三學院

步月尋溪過佛齋
溪邊石蘚濕芒鞋
虛牕獨

卧聽松竹半夜一山風雨來

汴堤暮雪懷徑山澄慧道人

朔風吹雪亂霑襟走馬投村日向沉遙想道人
獻石火冷杉寒竹五峯深

送李知章下第歸河北

鬪鷄擊劍鄴王臺萬古英雄死不埋子去悲
歌宜有和露螢白首亦常材

晚蕪長蘆

船頭勾曲洪濤外船尾長蘆白露中千里山

客初上日一江帆影盡乘風

晚雪示閻仲孺

拂簷點砌靜如沙無限寒林頃刻花明日窮
簷深一尺不知何處覓袁家

村居即事

十載涼塵化客衣故園榆柳識春歸深村芳
物無由覓蝴蝶隻尋麥隴飛

流民

生涯不復舊尋田無釜荆籃止道邊日暮榆

園拾青英可憐無數沈郎錢

先塋治事歸

先人昔慕栖山樂賤子今懷陟岵悲柏葉初
生石牆斷况無金帶買豐碑

補之方謀葬先
子家貧未能故

也及

陌上花八首

郊外金斬步悵隨道邊游女首王妃內官走

傳書報陌上花開緩：歸

朝雲暮雨山頭宅暖日晴峯陌上花絳幕何

妨行緩：送春歸盡妾還家

娘子歌傳樂府悲當年陌上看芳菲曼声更

緩何妨緩莫似東風火急歸

荆王夢罷已春歸陌上花隨暮雨飛却喚江

船人不識社秋紅淚滿羅衣

吳歌白紵怨芳菲腸斷懷王去不歸陌上如

今小花伴山前山後白鷗飛

臨安城廓半池壺曾是香塵撲面來不見當

時翠輦女今年陌上又花開

雲母蠻牋作信來，佳人陌上看花回。妾行不似東風急，為報花須緩。開陌上偷來為看花，饒聲鶯鷓莫天斜。犢車緩緩隨芳艸，不似甌源阿母家。

外舅杜寺丞水城中水作詩寄呈

雪消冰動看通津，草長江南岸。春莫唱龍舟五更曲，楊州楊柳解愁水。

都門

飄零何處是生涯，瘦馬都門踏落花。芳物攪

心者不見，綈袍遮眼畏風沙。

甘雨

晻：轟：有物催端如鬼駕，北溟來百昌一

種得甘雨蛇不著，乾若邗摧。

古語云一蛇者乾獨不得甘雨

約李令

茅簷明月夜蕭蕭，殘雪晶熒在柳條。獨約城隅閑李令，一杯山芋校離騷。

和胡戡七首

達則經綸隱著雨，昔人於此孰親踈。王通持

底谷楊素汾曲先人有漱廬

相逢樽酒未辭深握手盱眙千載心車馬淒涼人夜別出門落葉與橫參

聞說歸心已浩然蘇門况有紫雲屢廣文不去慙官長繫馬堂階要酒錢

住近蘇門有白雲閉關却是道逾尊相逢不語忽長嘯今日豈無人姓孫

時平未用入山深歲晚何妨木秀林聞說熊羆叅後衆可容牛下有哀吟

千首清詩競夜長真成蝴蝶為春忙莫教流落人間少雷電它時不取將

少時豪氣恨沉淪繆意詩書可疵民長笑壯年無一事微吟只有故人親

坐進庵

海魚水繫三千里決起還須九萬程坐進庵中纔一步初無行處若為行

張傑以龍茶換蘇帖

寄茶換字真佳尚此事人間信亦稀它日封

厨决瓊牘應隨癡顧畫俱飛

和王拱辰觀梨花二首

海棠十韻詫芬芳
慙愧梨花冷似霜
賴有樂天春雨句
寂寞從此亦馨香

壓沙寺裏萬株芳
一道清流照雪霜
銀闕森森廣寒曉
仙人玉仗有天香

次韻兩蘇公講筵唱和四首

白髮歸聯侍從榮
未應江海歎飄零
禽魚不與釣天觀
想見群龍舞洞庭

李公素譽壓朝端
曾沂龍門鬣未乾
雖隗彭宣惟賜食
未慙貢禹亦彈冠

纈服慶勤未有言
諸儒經術侍彤軒
九疇咸叙今天賜
三畫何人昔夢吞

金玉誰人詠德音
太平無象屬人心
日高初散露門講
天上五雲宮殿深

復至凝祥池上

去歲相携此地遊
西風采果奉靈湫
春工變化渾無跡
紅滿枝條綠滿洲

題工部文侍郎周翰郭熙平遠二首

漁村半落楚江邊
林外秋原雨外天
誰倚竹樓邀大舸
天涯暮色已蒼然

洞庭木落萬波秋
說與南人亦自愁
欲指吳松何處是
一行征鴈海山頭

呈文潛

無計何須尋杜家
海棠空詠去年花
煩君為謝郭少尹
欲買纏頭迎犢車

郭明遠妓乞知名

和文潛二首

阮籍空貪步兵酒
陽城猶戀集賢書
飽知世事非人力
可是因玄更泊如

索米疆知當世策
種芝欲訪隱人書
未應只有隣邦約
投老相看事如

謝王立之送膾毒五首

未教落盡混水池
且看輕黃綴雪枝
越使可因千里致
春風元自為魯知
恐是凝蘇染得黃
月中清露滴來香
定知何遜亭詩興
惜與穿簾一點光

上林初就詔群臣紫蒂同心各自新誰見小
國深雪裏破春一萼更驚人

詩報腊梅開最先小梅分寄雪中研水村映
竹家：有天漢橋邊絕可憐

去年不見臘梅開准擬新年恰：未芳菲意
淺姿容淡憶得素兒如此梅立之家

和文潛試院道舊

壁月照歌淮上舫桃花引醉福昌城何如閭
闔門西北卧聽秋風枕畔声

夜聞慎思吟諷

疎林小雨月朧明商頌琅玕半夜声鄧子
疆殊未發歎馳桑木犯堅城

赴廣陵道中三首

醉卧符離太守亭别都絃管記曾稱淮山楊
柳春千里尚有多情憶小勝南都留守使獲
鬢功酒小勝其

也字

急鼓鼙：下泗洲却瞻金塔在中流帆開朝
日初生處船轉春山欲盡頭

楊柳青：欲哺烏一春風雨暗隋渠落帆未
覺揚州遠已喜淮陰見白魚

出城三首視邵伯埭新堤

桃欲呈紅柳弄陰麥田青已沒鞦深春堤細
雨藍輿濕婆餅焦聲在竹林
故國龍舟休水調高城雉堞尚雲間蜀岡朝
雨如輕霧不見春江草外山
堆案文書無了畢並堤船舫且縈回非閑董
役幸：事自為春郊得：來

揚州雜詠七首

舶商不入古盤溝疏鑿總爭土一坏未說興
圩灌田事且還歌吹舊揚州

雷陂新作麥田荒曾說風興沒雨即誰似當
年李刺史春波還引甸城塘

欲穿九曲道淮子只費春夫數日工但見荷
花三十里何須更有大雷宮

蜀岡茶味圖經說不貢春芽向十年未惜青
青藏馬鬣可能辜大明泉

阜英村南三里許春江不隔一程遙
雙堤闌起如牛角知是隋家萬里橋
龍興寺裏青雲榦后土祠中白雪葩
五百年間城廓改空留鴨腳伴瓊花
楊徐僭盜雄圖熾高呂陵夷霸氣闌
猶有崑岡作龍虎千秋原廟奉衣冠

題僧法芝鐘山詩後

明珠出袖四百琲座有煙霞草木香
斷取鐘山擎石掌那知不下淨名床

復和定國惠竹皮枕謔

老求山水興彌深不在長安俠少林
它日只為林下計不將錦被作呻吟

和荅曾敬之秘書見招能賦堂烹茶

二首

玉泉吟弄月隳輪姑射風標雨絕塵
只欠何郎窻畔雪戎葵為我作餘春
一盃分來百越春玉溪小暑却宜人
紅塵它日同回首能賦堂中偶坐身

守蒲過洛思十歲時侍先君寓居泣
涕成詩二首

建春門外柳依依
迸淚當年絲服喜窮子更
無逢父日匿王宮
記看河時
先君欲築伊川意
四十年間萬事非
他日一
屢從可卜白頭持
此款安歸

通池道中

虎狼敵國易良圖
望見將軍要引車
不畏秦
疆畏廉
閉古來只有藺相如

次韻提刑毅甫送茶

魚羔煮餅漸宜秦
愁絕江南一味真
健步遠
梅安用
揄鷓鴣金盞有餘春

次韻閻仲甫郎中病起二首

伏波七十老
蠶弧蒼苒何曾適
病軀高卧輪
公無一事評詩校
畫是工夫

脫畧軒裳陶隱居
肘書百卷事寧軀
荻冷日
長東山澁早晚柴車命僕夫

濟北晁先生鷄肋集卷第二十



